

Flash Notes

Histology| Vascular System

Dr.Dalia El-Marakbi

VISIT...

LANZAROTE
Caliente.COM

أحنا هناخذ دلوقتي ال cardio vascular system اللي هو blood vessels, heart

ال heart هو الي بيعمل pump the blood vessels وال blood vessels انواعها ايه !

Arterioles

Capillaries بتعمل exchange لل gases

Veins دي بترجع الدم مره اخرى الى القلب

ودي بقى ال general characters لل cardio vascular system

عندنا اول حاجه blood vessels الي هندرسها في ال chapter ده واحنا خلاص درسنا القلب في chapter
ال muscular

أحنا هندرس هنا ال vessels الي هي contract الاتنين

طب بصوا يا حلويين انواع ال vessels انتو ايه الي تعرفوه عن ال vessels

يلا قول احنا عندنا انواع ال vessels ايه ؟

1-Arteries 2- veins

والوصله اللي بين الاتنين

وبالتالي عشان ادرس ال chapter دي عشان اخذ فكره عامه ...

أنا عندي artery , vein عايزه ادرس الاتنين وال connection اللي ما بينهم

أنت عارف قبل كده الحاجه ال connect ال artery with vein او ال arteriole with venule وبالتالي
هدرس الوصله اللي ما بينهم وكمان في حاجه اسمها arterio-venous shunt او connection اننا
نوصل ال artery بال vein مباشره

وبالتالي أنا هدرس في ال chapter ده ال artery بانواعه وال veins بكل انواعها وادرس الوصله اللي بين
ال artery و ال vein الي هي قد تكون connection او shunt على طول

وبالتالي لما ادرس الاربع حاجات دي يبقى أنا درست كل ال chapter دي

طب تعالوا بقى يا جماعه ناخذ انواع ال arteries <-- هي ايه انواع ال arteries اللي حضرتك تعرفهم
بصوا يا جماعه هنقسم ال arteries ال ٣ انواع

Large elastic arteries

Medium sized arteries

Small arteries (arterioles)

طب وتاني حاجه هقسم ال veins ال ايه !

Large veins

Medium sized veins

Small veins (venules)

يبقى انا عايزه ادرس في ال chapter دي ايه بقى من الاخير <--

(large/ medium / small) arteries , veins

والوصله اللي ما بينهم اللي اسمها capillaries / arterio-venous shunt

وبالتالي لما اخلص الحاجات دي اقول خلصت ال chapter

طب تعالوا بقى ناخذ <-- general idea او تركيبه عن اي vessels في الدنيا سواء artery, vein

وبالتالي اللي هقوله دلوقتي فكره عامه عن تركيب ال vein , artery

بصوا بقى اي vessels وعاء دموي تركيبه لما ابص عليه لازم يكون معمول من ايه !

اي vessel انا محددتش نوعه vein or artery تلاقي ال lumen بتاعه (التجويف) يعني انا لو خدت في قطاع (مقطع) في جدار ال vein او ال artery اللي انا بتكلم عليه هلاقي ترتيب الطبقات كالتالي ..

نمسك كده طبقتين من الطبقات

Intima <-- ملاصقه للدماء in adhesion of blood اسميها tunica intima

tunica يعني طبقه او layer

طيب وطبقه ثانيه اسمها

Tunica media و media يعني في ال middle

واخر طبقه خارجيه اسمها tunica adventitia

يبقى ايه سلسله الطبقات بتاعت ال vessels نحفظهم مع بعض <-- ودي داخل ال data show فلازم

نهتم بيه فتعالى بقى نقولهم تاني

Tunica intima - tunica media - tunica adventitia

يعني في الوسط يعني في الاخر خالص

تعالوا بقى ناخذ ال intima

عباره عن ايه ال intima ٣ اشياء تحت بعض بصوا دي اللي خارجه منها كل الشكل

عباره عن endothelium يعني ايه endothelium طبقه رقيقه من الخلايا المفلطحه

طب ليه حطينا طبقه رقيقه هنا --> اولا تدي السطح بتاعنا بتاع الدم دي smooth surface يعني سطح املس لا يترسب عليه لاشياء

وتاني حاجه ال endothelium cells دي لانها flat تسمح بمرور الاشياء من خلالها بسهولة

Easy exchange of nutrition يعني ايه يعني انا لو من الدم دي وعائز اخذ شويه nutrition اكل بيهم عبر ال blood vessels دي اكله ازاي اخلي المواد الغذائيه تعبر خلال الخلايا الرقيقه دي وكمان ال oxygen يعبر عن طريق تلك الخلايا الرقيقه

وبالتالي intima عبارته عن endothelium cells له وظيفتين دي smooth muscle تخلي الدم ميتجلطش تاني حاجه exchange of nutrition or substances عن طريق الخلايا الرقيقه

طب والتحت الخلايا دي (endothelium) يوجد subendothelium connective tissue يعني ايه sub يعني تحت

ويعني ايه endothelium يعني تحت ال endothelium ويعني ايه CT يعني زيه زي اي CT في الدنيا معمول من خلايا والياف و matrix وال CT دي وظيفته support endothelium

يعني ايه support يعني يدعمها

وفي حاجه زي الاستيك موجوده اسمها (IEL) internal elastic lamina

يعني لو انت فكيت الاستيك بتاع البنطلون دي هتلاقي جواء اساتيك صغيره بالتالي نفس الامر (IEL) دي مكونه من مجموعه من الاساتيك الصغيره المركزه condensation of elastic fibers

Elastic fibers يعني الياف مطاطيه صغيره كلها condense (يعني مركزه) وتعملي elastic lamina دي

طب لو جيت سألتك كده --> هو انا لو جيت عدت المواد الغذائيه من هنا ولقيت (IEL) واقفه مسدوده هنا هينفع تعدي لا --> وبالتالي اعمل ايه في (IEL) ايه ! --> اعمل فيها كذا خرم اخليها مخرمه --> ليه

يبقى اخليلها مخرمه عشان تسمح بمرور المواد الغذائيه من خلالها --> واسم الخرم دي ايه ؟ --> fenestration

طب لو جيت سألت حضرتك ايه هي اهميه IEL ليه ربنا عملها --> فايدتها هامه جدا تخيل كده لو انا artery وبعمل vasoconstriction تخيل اني artery عامل و عملت vasoconstriction جامده ايه اللي هيحصل لل lumen بتاعي هيتقفل تماما ويغلق تماما ال artery وبالتالي ربنا مزود ال vessels بتاعنا وخصوصا لو كانت عضليه جامد بتنقبض جامد طب لو هي مبتنقبضش جامد يعني تنقبض خفيف يبقى مش لازم احطلها elastic lamina لان الاستيك دي محطوط عشان لما اجي انقبض جامد يمنع ال total occlusion of arteries يعني ايه ! tota يعني تام ويعني ايه occlusion يعني الانغلاق يعني منع حدوث الانغلاق التام لجدار الاوعيه الدمويه اثناء انقباضها خاصه الاوعيه التي تنقبض جامد زي ال arteries بصوا كده انا عندي ٣ انواع من ال arteries وهي small, medium , large هو اكرتر واحد عضلي ال medium هو ال muscular يعني مين اكرتر واحد محتاج اوي انا نحطله IEL هو ال medium اللي اسمه التاي muscular artery اللي الجدار بتاعه مليون عضلات

طب يعني لو جيت سألتك كده ايه هو اكرتر artery محتاجه نزودله IEL ال medium sized artery ليه لانه ال muscular --> طب لو قتللك ال small ال arterioles الصغير ديه --> هي ديه بتعرف تنقبض ! لا طبعا وبالتالي مش محتاجه IEL طب وال medium artery اللي بتتكلم عليه محتاج طبعا

تعالو ناخذ بقى ال media وهي عباره عن سمك عايم في مايه --> يعني ايه سمك عايم في مايه

ايه السمكه ديه smooth muscle طب وايه امواج البحر elastic fibers وايه كمان ! شويه collage and fibers , matrix اللي هو ground substance

يبقى السمكه هي اللي بتصنع بنفسها ال elastic / collagen fibers و ال matrix --> وبالتالي امتي اخلي كميته العضلات اكرتر وامتي اخلي كميته ال fibers اكرتر

وبالتالي لو انا عندي artery اسمه muscular اللي هيبقى اكرتر هو العضلات طب لو انا قتللك ان في artery --> اسمه large elastic fibers --> اسمه elastic fibers وبالتالي ازود فيه ال elastic fibers

طب ايه الفرق بين ال elastic fiber وبين ال elastic lamina

Elastic lamina	Elastic fibers
Condensation لمجموعه من الاساتيك الصغيره يعني جواها مجموعه من الاساتيك الصغيره ودي بتفكرني باستايك البنطلون الي بتكون من مجموعه اساتيك صغيره	دي استيك صغير ماسك لوحده ودي بتفكرني باستايك الفلوس الصغيره اللي لونها اصفر وبالتالي الاستك الصغيره دي في الحقيقه لونها اصفر وانا بصبغ بلاقيها لونها اصفر

smooth muscle وال elastic / collagen fibers وال matrix الي بيصنفهم هو ال smooth muscle

طب لو سألتك سؤال ! الحاجات دي تمشي حوالين جدار ال artery <-- longitudinal.. circular

احطها circular ليه ! عشان اخلي ال vessels <-- contract كده او ينفصل كده

طب لو حيطتها بالطول ايه اللي يحصل لل muscle تقعد تطول وتقصر لما تنقبض وتنبسط تعمل كده لكن انا عايزاها تبقى ايه circular طب لو انا جيت سألت حضرتك ايه اهميه ال muscle في ال bone؟! Contraction

طب وايه اهميه ال elastic fiber <-- elasticity يعني نديني distention لل wall of the vessel يعني تخلي ال wall بتاع ال vessel يتمدد لوحده

طب لو حطيت elastic fiber تاني غير IEL واحد عند وسط البنطلون والتاني في رجل البنطلون اسمه ايه ! external elastic lamina يبقى الملاصق للدم والقريب من جدار الوعاء الدموي القريب من ال lumen اسمه internal elastic lamina طب لو حطيت واحد تحت كده اسمه external elastic lamina

طب لو جيت سألتك امتي احط internal و external مع بعض ؟

لما يكون في العضلات اكر ولا اقل !!! لما يكون في العضلات اكر بكتير بكتير

يبقى لما احلب اخلي ال vessel بتاعي ميتقفلس احط internal + external مع بعض

اخر layer اسمها adventitia وهي connective tissue بس <-- يعني ايه كلمه CT يعني elastic fiber + collagen fibers وخليه اسمها fibroblast و ground substance دي بقى تراكيب ال CT وممكن احط في ال blood vessels كبير اسميه Vaso Vasorum

ده اهميته ايه ! انا لو عايز اغذي العضلات دي ما العضلات دي عايشه فلازم تاكله فاجيب دم من هنا واجيب nutrition من الدم اللي ماشي واكل العضلات طب لو الاكل موصلش للعضلات الي تحت اجبله اكل منين !

يبقى ايه اهميه ال vaso vasorum تسمح بتغذيته العضلات

يبقى اسألك امتي احط vaso vasorum في كل ال blood vessels لما يكون كبير ولا صغير؟! كبير ... ليه !!! لان عدد طبقاته كتير فلازم محتاج vaso vasorum طب ممكن اسألك سؤال تاني ! ال vessels كبير اسمه ايه !! large vessels طب تفكروا احط ال vaso vasorum اكر في ال large artery ولا large vein؟!

ال large vein لان الدم اللي ماشي فيه وحش و deoxygenated وبالتالي ميقدرش الا يغذي عضله
عضلتين وبالتالي vaso vasorum موجوده في large arter و large vein ولكن most common في
large vein

ايه هي فائده ال adventitina هي تركيبها عبارة عن CT وبالتالي فائدتها to connect the vessels to
surrounded structures

عمرنا ما هنشوف في المشرحه trachea ماشيه لوحدها منعديه او esophagus دي كل الناس متشبهه مع
بعضها ب CT وبالتالي CT ممكن يقدر

Connect artery + vein , artery + vein + nerve , artery vein nerve organs

يعني لو عندنا esophagus جداره من برا لازق في blood vessel عن طريق اخر حته في ال blood vessel
اللي بتبقى CT اللي بتربطها في ال esophagus طب واخر حته في ال esophagus بتبقى CT فال CT
بتاع الاتنين يتوصلوا معا

لو جيت حطيت اي حاجه في ال adventitia احطها longitudinal يعني لو حطيت اي fiber او اي حاجه
في ال intima , adventitia احطها longitudinal

طب ليه اطها longitudinal

To support the wall and prevent over distension

يعني تخيل تخيل لو حطيت في vessel wall صوابع من collagen fiber لان منكن ال vessel يتمدد
بسبب وجود elastic fiber

ال collagen دي حاجه جامده تمنع حدوث ال over distension فتقولك استنى متعملش over
distension لحسن تنفجر انا هعمل ليك support لل wall

وبالتالي تركيب ال adventitia

في CT → elastic , collagen , fibroblast , matrix

لو حطيت فيها الياف تقف ازاوي longitudinal ولازم اغذيها ب ايه ! ب blood vessel خاصا لو ال
vessel <--- large مثل artery , vein كبير و خاصا اذا كان vein كبير وال blood vessel اسمه vaso
vasoruma

Vaso vasoruma → vessel which supply the wall of the vessel

فائدته يدي تغذيه للعضلات خاصا لو vein / artery كبير

لو انا جيت قولت لحضرتك ان ال endothelium cell دي باظت او فتحت عن بعض او اتأكلت وبدأ

يدخل حاجات من الدم مثل ال platelet وتترسب في CT sunendothelium وممكن يتجمع عليها دهون كمان <-- دي اسميها atherosclerotic (تصلب الشرايين)

طب يعني ايه تصلب الشرايين (هو ترسب مواد مثل ال platelet او حته المواد الدهنيه في جدار الوعاء الدموي نتيجة المواد الدهنيه في جدار الوعاء الدموي نتيجة ان endothelium cell تحطمت او باظت وبدأت المواد دي تتجمع في ال subendothelium

انتو عارفين لما تتجمع ال platelets بعدها بشويه تقفلي الوعاء الدموي واسمي دي thrombus

طب ايه هي ال arteries دي !

اديني مثال لل large artery <-- aorta / pulmonary / subclavian

واديني مثال لل medium sized artery <-- كل جسمنا

وفي الاخر بنبص على ال arteriole وهي ال arteries الصغره

ووظيفه ال artery الاساسيه supply

ووظيفه ال peripheral resistance arterioles

وتشارك جزئيا في ال gas exchange ولكن mainly ال capillaries هي المسئوله عن ال gas exchanges

طل وال aorta (large artery) بيعمل elastic recoil انا بقسم ال artery عندي

Large , medium and small

تعالوا بقى نسميهم اسامي تانيه لو سمحتوا اسمها التاني large artery elastic

اسمها الثالث large artery conducted

انا بحب اسميها (حله) او وعاء ووظيفتها الوحيده انها تتمدد لتستوعب اكبر كميته من الدم

اما ال medium sized artery دي بقى الموزعاتي ال distributor انا عندي ال aorta يتمدد ويتملي بالدم ويطلع منه artery كتيره

تاخذ منه جزء من الدم وتضخه منه ل organ معين والي بيعمل كده نسميه muscular / distributor ولازم يكون الجدار بتاعه عضلي عشان يعرف ينقبض ويضخ الدم

اما ال small او ال (arteriole) دي وظيفته توزيع الدم براحه لل capillary ليه !

لو انا تخيلت عندى muscular part عمل contraction جامد وبعدين شعيرات دمويه راحتله يخلصها ايه !! تتمزق وبالتالي ربنا عشان يخفف من حده اندفاع الدم في ال capillary بيحط ال arteriole يبقى ايه وظيفه ال arteriole <-- distribute the blood to capillaries وهي كمان المسؤوله عن ال peripheral resistance لانها هي المسؤوله عن مقاومه اندفاع الدم

طب لو جيب سالت حضرتك كده تيجي نبتدي ب large elastic arteriole يجي سؤال تحريري يقولي قول ملائمته تركيب كل طبقه من طبقات ال blood vessel لوظيفتها ؟!

يعني اقول internal elastic lamina , subendothelium, endothelium

اقول كل طبقه ووظيفتها ايه

حدي يقولي large arteries

Aorta , pulmonary and subclavian

اول طبقه اسمها intima معموله من Endothelium , subendothelium and IEL ؟!

Subendothelium احط فيها ٣ حاجات longitudinal <-- elastic fiber , collagen and fibroblast

وال subendothelium عبارته عن CT

طب هسألك سؤال احط IEL ولا محطش !

هو ال aorta اسمه large elastic ولا muscular artery ؟!

اسمه large elastic وبالتالي احط IEL ولا لا !!

لا محطش لانه مش محتاجها <-- وبالتالي مفيش IEL واضح هنا can't differentiate from the other fibers

وبالتالي الاقي IEL صغيره جدا زي باقي elastic fiber اللي موجوده في طبقه ال media ودي عشان ال aorta مطاطي اكثر

واحنا مش بنحتاج IEL اكثر ! <-- في ال arteries ال muscular اكثر وال aorta رغم كبره فكميه ال muscular الجواه قليله <-- ويتميز جدار ال aorta انه مطاطي وبالتالي يوجد فيه elastic fiber اكثر من ال muscles وبالتالي اسم aorta <-- large elastic artery

ناخد بقا طبقه ال media عبارته عن سمك عائم في مايه السمك هو smooth muscle والمايه elastic fiber وبالتالي تخيل عرض مين اكثر !! ال elastic fibers طبعا تخيل نحطه كام طبقه من elastic fibers من ٤. <-- ٧. طبقه

وتكون ٤٠ في الطفل (البيبي) الصغير ويكون في ال aorta صغير وواحد كبير وبقي ال aorta كبير فيوصل ل ٧٠ وبالتالي ال elastic fibers تزداد مع العمر طب ليه بتزيد مع السن !!

لان ال aorta في الطفل الصغير صغيره يبقى عدد الاساتك اللي فيها ٤٠ طبقه طب في ال راجل الكبير ال aorta كبير ويصل عدد الاساتيك الى ٧٠ طبقه طب الاستك دى ينصح يكون مخروم هو كمان ولا مشدود !! لازم يكون مخروج fenestrated ليه يكون مخروم !! لتسمح بمرور المواد الغذائيه من خلالها

طب لو جيت سألت حضرتك ايه اللي عائم بين elastic fibers ال smooth muscle وبالتالي مين اكر !! elastic fiber وبالتالي aorta اسمه large elastic artery

طب لو جيت اشرح aorta في الطبيعه هلاقي لون الجدار اصفر ودى بسبب ال elastic fiber الي اتفقنا ان لونها اصفر في الطبيعه زي استك الفلوس بالضبط

طب لو جينا نخط طبقه تانيه اسمها external زي ال internal تكون غير واضحه لانهما يكونا واضحين في ال muscular artery فاذا كان ال muscular artery في ال اثنين يكون انقباضه جامد جدا

طب artery اصلا مش muscular احطه ! لا اقول عليه non differentiated, non clear هم موجودين بس مش واضحين اوي

طب لو جيت سألتك ايه اخر طبقه دي !! adventitia طب بتكون من ايه !!

Elastic / collagen fibers – fibroblast / matrix

وبيتحطوا فيها ازاي longitudinal طب بيحتاج vaso vasorum !! ايوه بنحتاج يعني لازم احط في

يجيلي سؤال في الامتحان <-- اشرح ال histology of aorta ساعتها هكتب الطبقات

نيجي بقى artery اسمه الثاني ايه !! muscular محتاج IEL !! محتاج ، ، طب محتاج EEL !! Mainly needed

تعالوا نقول معمول من ايه !!

Endothelium ,, subendothelium ,, IEL

طب واياه الطبقة ديه !!

Media فيها اكر muscle ولا elastic fiber !! muscle

طب لو هو ال muscle بتاعته جامده احط هنا EEL

طب والطبقه الاخيره adventitia احط فيها vaso vasorum !! لا لانه مش large vessel

سؤال تحريري: طب حد يعرف يعملی مقارنة بين large/ medium

مين اكبر في الحجم ؟ large

مين مطاط اكثر ؟! ال large

مين عنده intima اكثر ؟ ال large لانه اكبر

مين عنده elastic اكثر ؟! ال large

مين عنده vaso vasorum ؟! ال large

ال muscular عنده حاجتين --- EEL , IEL muscle

طب ايه المميز اوي carry elastic artery

↓ ↓ ↓

الجدار بتاعه ، ، vaso vasorum , elastic fibers

سميك ويتمدد بدرجة كبيره

طب لو جيت سألت حضرتك هما كل ال medium sized مزي دول !! لا

في medium sized اسمها basilar الدماغی دی special structure ليه ! طب ينفع يغلق لاي سبب !

لا طبعا وبالتالي لازم يكون عندي IEL جامده جدا وفي نفس الوقت طبقه media/ adventitia عنده مش كبيره

طب ايه تاني مميز ! coronary يعني ايه ! الاوعيه الدمويه اللي بتغذي عضله القلب ينفع ال coronary دي يتقفل بأي حال من الاحوال !! لا طبعا

ودی بيغذي اهم جزء من الجسم واللي هو القلب وعشان يعرف يغذي ال heart muscle لازم يضخ الدم بقوة وبالتالي الجدار بتاعته عضليه بشكل غير طبيعي وبالتالي لازم احط IEL و EEL

يبقى الفرق اللي بينه وبين ال basilar انه عنده external / internal

ال basilar عنده طبقه العضلات مش كبيره اما ال coronary عنده كبيره جدا

طب ومين عنده ال media صغيره ؟! Basilar

طب ومين عنده ال media كبيره ؟! Coronary

قبل ما اقول ال arterioles شايفين الرسمه بتاعت ال coronary ملاحظين حاجه غريبه جدا muscle

واقفه طوليه وشويه fat في ال intima فيه !! في ال coronary العضلات بتمشي circular كده في طبقه ال media وفي intima العضلات لقوها واقفه طوليا كده فيه !!

ال coronary دي حاجه غريبه جدا --> دي بيدفع الدم الى القلب وهو ساعات بيعمل systole وال coronary ماثر على جدا على جدار القلب من برا طب القلب اثناء ال diastole بيتلمي بالدم ال coronary vessel ديه ايه بيحصلها !! بيحصلها stretch طب يبقى لازم يبقى عندها عضله to stretch والا هيحصلها اثناء ال diastole هتقطع

طب انا عشان اخليها تطول؟! لو انا حطيت عضلات عن بالطول فتنقبض وتنسبط فلو انقبضت هتقصر الوعاء الدموي ولو انبسطت ايه الي يحصل في الوعاء الدموي! تنسبط او يطول

يبقى انا حاجه العضلات بالطول فيه! يساعد انقباضها وانبساطها في اطاله وقصر الاوعيه الدمويه

احنا عرفنا العضلات المحطوطه بالعرض العرضيه

وظيفتها انقباض الوعاء الدموي

امال العضلات الطويله تعمل of the vessel shortening and elongation

طب وانا بحتاج ال elongation, shortening فيه!

عشان ال systole, diastole بتاع القلب

طب انا لو جيت سألت حضرتك هنا وقلت arterioles يعني ايه arteriole؟! Small artery طب مش اقول عليه small artery لما يكون قطره 100µm

طب لما arterioles 50µm اقول عليه terminal arteriole طب عشان متغلبش نفسك في ال arteriole قول على كل حاجه صغرت اختفت

كل طبقه من جدا الاوعيه الدمويه من medium sized artery لما اتحول الى arteriole يبدأ اشياء تختفي طب تعالوا كده ناخذ الطبقات وتقول ايه اللي هيختفي

Endothelium واللي تحتها subendothelium وال IEL في طبقه ال intima disappear-->

طب تعالوا ناخذ طبقه ال media (سمك وعائم في مايه)

ال muscle في جدار ال arteriole تبدأ تقل حيث تصل الى طبقه واحده او طبقتين وتبدأ تختفي --> وده ازاي!!

نستبدل العضلات بخليه اسمها pericyte

وهي خليه توجد حوالين الاوعيه الدمويه ولها القدره على الانقباض، طب لو جيت سألتك ال Eel عايزينه

!! لا طب كان في طبقه هنا اسمها adventitia دي مش هتختفي ولكن هتبقى thin ويقي ال arterioles

Internal / external elastic lamina disappear

Muscle disappear gradually وتستبدل ب pericyte ، ، واي طبقه اخرى هتكون رفيه